

Cycling Westfjords

Vestfirðir í sviðsljósinu

Árið 2022 beinist athygli margra að Vestfjörðum. Því veldur meðal annars umsögn Lonely Planet og ýmissa áhrifavalda en ekki síst nýleg skilgreining á ferðamannaleiðinni Vestfjarðaleiðinni. Henni fylgir markviss kynning á svæðinu. Landshlutinn státar af að vera umhverfisvottaður. Ferðapjónustan og opinberir aðilar á Vestfjörðum tóku fagnandi nýju verkefni sem annars vegar miðar að því að fjölga ferðafólki á svæðinu og jafnframt að stuðla að umhverfisvænum samgöngum; hjólreiðum.

Cycling Westfjords-verkefnið

Cycling Westfjords heitir verkefni sem sett var á laggirnar til að laða hjólreiðafólk inn á svæðið. Það gengur út að að dreifa fólki sem víðast um kjálkann. Það er gert með að setja upp nokkurs konar leik þar sem fólk safnar stigum fyrir að mæta á ýmsa staði. Að auki njóta þátttakendur verkefnisins margra fríðinda og sérkjara hjá samstarfsaðilum Cycling Westfjords vítt og breitt um svæðið.

Cycling Westfjords-kortið

Allir þátttakendur munu fá kort af Vestfjörðum til fararinnar. Það er sérhannað með þarfir þeirra í huga. Á því er sýnt hvort veginir eru með bundnu slitlagi, malarvegir eða fjallvegir. Auk þess eru þeir teiknaðir mismunandi eftir því hvað búast megi við mikilli umferð á þeim. Það er byggt á talningum Vegagerðarinnar. Enn eitt atriði, sem varðar ekki hvað síst hjólreiðafólk, er að lengstu og bröttustu brekkurnar eru merktar á kortið. Tákn fyrir þjónustu alls svæðisins (tjaldsvæði, gisting í húsum, matvöruverslanir, sundlaugar, náttúruböð, matsölustaðir og söfn/sýningar) verða á kortinu. Einnig verða tákn fyrir vöð, vegalengdir, hæð yfir sjávarmáli, vegnúmer, veggöng og viðgerðarþjónustu og leigu á reiðhjólum. Á bakhliðinni verður lýsing á öryggisatriðum, almenningsamgöngum og öðru því sem hentugt og nauðsynlegt er að vita fyrir fólk sem hyggst ferðast um Vestfirði á reiðhjólum. Kortið verður 50 x 70 sentimetrar að stærð. Í fyrstu útgáfu verður það eingöngu á ensku. Stefnt er einnig að íslenskri útgáfu þegar og ef fjármagnslegt bolmagn leyfir.

Útgáfa

Áætluð útgáfa er maí 2022. Kortið verður prentað í 1000 eintökum þetta árið. Upplag næstu ára ræðst af viðtökum. Cycling Westfjords ehf. gefur það út. Ábyrgðarmaður er Halldóra Björk Norðdahl. Ómar Smári Kristinsson vinnur kortið. Nanný Arna Guðmundsdóttir og Tyler Wacker eru meðhöfundar. Nína Ivanova sér um umbrot og frágang til prentunar.

Dreifing og notkun kortsins

Cycling Westfjords-kortið á fyrst og fremst að nýtast þátttakendum verkefnisins. Það verður þó einnig haft til kynningar og takmarkaðrar dreifingar á stöðum þar sem vænta má hjólréiðafólks í ferðahug. Efni kortsins verður allt nýtt á heimasíðu verkefnisins, cyclingwestfjords.com.

Kostnaður og fjármögnun

Reynt verður eftir megni að halda auglýsingum í skefjum. Kortið á að birta sem hlutlausasta og yfirgripsmesta mynd af þjónustu svæðisins (samstarfsaðila í ferðaþjónustunni verður þó getið sérstaklega á spássíu). Þess í stað verður reynt að fá fjármagn frá sveitarfélögum og öðrum opinberum aðilum sem sjá sér hag í að verkefnið verði að veruleika.

Dalabyggð leikur stórt hlutverk í Cycling Westfjords-verkefninu. 60 af þeim 740 stigum sem fólki stendur til boða að safna sér eru innan marka sveitarfélagsins. Flestir þátttakendur í verkefninu munu hjóla á bilinu 80 til 140 kílómetra í sveitarfélaginu og gista eina til tvær nætur. Þrír ferðaþjónustuaðilar í Dalabyggð hafa nú þegar gert sársamning við aðstandendur verkefnisins.

Verk og kostnaðaráætlun fyrir Hjólakort Cycling Westfjords 2022			
Janúar '22	Ítarleg upplýsingasöfnun		260.000 ISK
Febrúar '22	Handritsskrif		240.000 ISK
Mars-ap '22	Gerð korts með sértækum upplýsingum fyrir verkefnið		500.000 ISK
	Umbrot og frágangur til prentunar		125.000 ISK
Mai '22	Kort prentað* 1000stk		105.000 ISK
			1.230.000 ISK
	Fjármögnun		
	Uppbyggingasjóður	komið	105.000 ISK
	Ísafjarðarbær		50.000 ISK
	Bolungarvík		25.000 ISK
	Súðavíkurbreppur		12.000 ISK
	Strandabyggð		12.000 ISK
	Kaldrananeshreppur		12.000 ISK
	Árneshreppur		12.000 ISK
	Dalabyggð		20.000 ISK
	Reykholahreppur		12.000 ISK
	Vesturbyggð		50.000 ISK
	Tálknafjörður		20.000 ISK
	Vegagerðin		600.000 ISK
	Íslandsstofa		300.000 ISK
	Samtals		1.230.000 ISK
	Kort prentað* 50x70 cm kort. 4 litir, 115 gr pappír, Brot, ber Svaninn umhverfismerkið		